



PRIMA SESSIONE STRASURDINARIA DI U 2022

27 È 28 DI GHJENNAGHJU DI U 2022

1ERE SESSION EXTRAORDINAIRE DE 2022

27 ET 28 JANVIER 2022

N° 2022/E1/005

**Question orale déposée par Marie-Claude BRANCA
au nom du Groupe « Core in Fronte »**

UGHJETTU : Situazioni prufessiunali di l'anziani prighjuneri.

Prima, salutemu l'ingaghjamentu sputicu di tutti quiddi chi si so sacrificati par a noscia tarra, particularmenti in ssu mesi di ghjinnaghju, in mimoria di Stefanu Cardi, Lisandru Vincenti è Anghjulu Maria Tiberi.

Di luddu 2018, u cullittivu "Patriotti" era ufficialmente ricivutu da a maior parti di i rispunsevuli di l'asicutivu è di l'Assemblea. U so scopu era di spiigà a situazioni di quiddi chi hani pagatu par a libartà di a noscia tarra.

Ramintemu chi, si oghji seti qui, si no semu tutti qui, hè dinò par via di a so azzioni, e di u so impegnu.

Salutendu l'andatura d'issu cullitivu pattrioticu, ci voli dinò à salutà tutti l'altri associ è cumitati chi dapoi anni è anni si battini par fà valè i dritti di tutti i prighjuneri pulitichi.

Spartimu incù voscù a vulintà di falla finita incù 'ssa riprissioni di u Statu francesu è a vulintà d'ingaghjà u presentu è l'avvena in un'andatura appaciata di rigulamentu puliticu di a quistioni naziunali corsa.

I prighjuneri è l'anziani prighjuneri pulitichi supportani sempri in a so vita di tutti i ghjorni I cunsequenzi d'issa riprissioni.

Oghji, hè à u niveddu prufessiunali chi punaremu u prublema. Com'è monda semu stati infurmati di i difficoltà scuntrati da quiddi chi circani a stabilizzazioni prufessiunali. Com'è no, cunisciti bè tutti i so difficoltà à tutti i nivedda.

Spiremu chè ci sarà una suluzioni di cuntrattu di travaddu à long'andà pà tutti quiddi chè anu datu suddisfazioni è chè aspettani sempri un postu definitivu.

Saria ora di falla finita incù tutti ssi lunghezzi amministrativi è di rispittà a parola data.

Si sà chi uni pochi hani pussutu truvà posti sottu à altri maghjuria par via di u rispettu di u nosciu stintu paisanu. Si devi rinforzà issa logica.

Ùn pudemu accittà ch'iddi ci sighini bluchimi in una stituzioni chi si dici fatta pà a Corsica. Ùn dumandemu micca favuritisimu ma ùn accittemu chi i nosci patriotti si ritruvessini senza nudda quandu ci hè a pussibilità di fà qualcosa.

Vi punimu dunqua i dumandi seguenti :

Tinindu contu di l'ingaghjamenti piddati tutt'à l'ultima mandatura, tinindu contu in casi pricisi di I prumissi fatti, pudeti assicurà, par quiddi chi aspettani dighjà, chè i so cartulari sarani prestu studiati e cunsiderati comu ci voli ?

Pudareti prestu prestu metta in ballu unu spaziu di scontri par fà un puntu pricisu d'issa situazioni incù tutti quiddi chi difendini tutti i dritti di i prighjuneri è di l'anziani prighjuneri pulitichi ?